

全上古三代秦漢三國六朝文

全後魏文卷六

烏程嚴可均校輯

孝文帝四

追贈彭城王勰母潘爲國太妃詔太和十八年七月

弟勰所生母潘早齡謝世顯號未加勰禍與身具痛隨形起今因其展思有足悲矜可贈彭城國太妃曰慰存亡魏書彭城王勰傳

考績黜陟詔太和十八年九月

三載考績自古通經三考黜陟曰彰能否今若待三考然後黜陟可黜者不足爲遲可進者大成賒緩是曰朕今三載一考考卽黜陟欲令愚滯無妨于賢者才能不壅于下位各令當曹考其優劣爲三等六品曰下尚書重問五品曰上朕將親與公卿論其善惡上上者遷之下下者黜之中中者守其本位魏書孝文紀下又通典十五

詔太傅元丕太和十八年十月

全後魏文卷六

中原始稱須朕營視在代之事一委太傅

魏書宗室元丕傳帝將北巡遷太傅錄尚書事

及車駕發代丕

暫守詔云云

敕勒蠻民勿侵暴詔

太和十八年十月庚午

比聞緣邊之蠻多有竊掠致有父子乖離室家分絕既虧和氣有傷仁厚方一區宇子育萬姓若苟如此南人豈知朝德哉可詔荆

郢東荆三州敕勒蠻民勿有侵暴

魏書孝文紀下

詔免元嵩官

太和十八年

嵩不能克己復禮企心典憲大司馬薨殂甫爾便已鷹鷂自娛有如父之痛無猶子之情捐心棄禮何其太速便可免官

魏書任城王附傳大

司馬安定王休薨未及卒哭嵩便遊田高祖聞而大怒詔

詔荅樓毅太和十八年十二月

時不自來因人則合今年人事殊非昔歲守株之唱便可停也陽

九利涉豈卿所知也

魏書樓伏連附傳車駕南伐毅表諫詔荅

報劉芳注弔比干文詔

太和十八年

覽卿注殊爲富博但文非屈宋理慙張賈既有雅致便可付之集

書

魏書劉芳傳

邢巒策秀詔

秀孝殊問經權異策邢巒才清可令策秀

魏書邢巒傳有司奏策秀孝高祖詔

詔成淹

太和十九年正月

此前車之鑒得不慎乎

魏書成淹傳車駕濟淮淹于路左請見詔云云

報高道悅詔

太和十九年

省所上事深具乃心但卿之立言半非矣當須陳非已示謬稱是

目彰得然後明所已而不用有由而爲之不爾則未相體耳同材

都水暫營嬉遊終爲棄物脩繕非務舟楫無郭士女雜亂此則卿

之失辭矣深薄之危撫後之重斯則卿之得言也

魏書高道悅傳

謚馮誕詔

太和十九年二月辛酉

案諡法善行仁德曰元、柔克有光曰懿、昔貞惠兼美、受三諡之榮、

忠武雙徽、錫兩號之茂、式準前迹、宜契具瞻、既自少綢繆、知之惟

朕、案行定名、諡曰元懿、魏書馮熙附傳

遷都奉迎靈主詔、太和十九年二月癸亥今魏書作三月誤

知太和廟已就、神儀靈主、宜時奉寧、可剋三月三日己巳、內奉遷

于正廟、其出金墉之儀、一準出代都太和之式、入新廟之典、可依

近至金墉之軌、其威儀鹵簿、如出代廟、百官奉遷、宜可省之、但令

朝官四品已上、侍官五品已上、及宗室奉迎、魏書禮志一通典四十七

詔諡馮熙、太和十九年三月

可召威彊恢遠曰武、奉諡于公、魏書馮熙傳

報廣陵王羽、內攷京官詔、太和十九年

雖內攷未宣、續已久著、故明堂月令載公卿大夫論攷屬官之治

職、區分著三公、尙書三載殿最之義、此之攷內、已爲明矣、但論攷

之事理在不輟、問續之方、應關朕聽、輒爾輕發、殊爲躁也、每攷之義、應在年終、既云此年、何得春秋也、今始維夏旦、待至秋後、魏書廣陵

王羽

手詔徵王肅入朝 太和十九年

不見君子、中心如醉、一日三歲、我勞如何、飾館華林、拂席相待、卿欲曰何日發汝墳也、故復此敕、魏書王肅傳肅爲豫州刺史徵入朝高祖手詔又見北史四十二

又詔

肅丁荼蘼世、志等伍胥、自拔吳州、膺求魏縣、躬操忘禮之本、而同無數之喪、誓雪怨恥、方展申復、窮諭再期、蔬糲不改、誠季世之高風、末代之孝節也、但聖人制禮、必均愚智、先王作則、理齊盈虛、過之者俯而就之、不及者企而行之、曾參居罰、蓋其哀終、吳員處酷、豈聞四載、夫三年者、天下之達喪、古今之所一、其雖欲過禮、朕得不制之曰、禮乎、有司可依禮論之、爲裁練禫之制、魏書王肅傳

臨馮誕墓詔 太和十九年五月

馮大司馬已就墳塋永潛幽室宿草之哭何能忘之

魏書馮熙附傳

詔太傅元丕 太和十九年五月

今洛邑肇構跂望成勞開闢暨今豈有曰天子之重遠赴舅國之喪朕縱欲爲孝其如大孝何縱欲爲義其如大義何天下至重君臣道懸豈宜苟相誘引陷君不德令僕已下可付法官貶之

魏書宗室元丕傳丕又曰馮熙薨于代都表求遷駕親臨詔云云

皇太子冠禮有三失詔 太和十九年六月

比冠子恂禮有所闕當思往失更順將來禮古今殊制三代異章近冠恂之禮有三失一朕與諸儒同誤二諸儒違朕故令有三誤今中原兆建百禮惟新而有此三失殊自愧歎春秋襄公將至衛曰同姓之國問其季幾而行冠禮古者皆灌地降神或有作樂曰迎神昨失作樂至廟庭朕自意而行拜禮雖不得降神于理猶差

完司馬彪云漢帝有四冠一緇布二進賢三武弁四通天冠朕見家語冠頌篇四加冠公也家語雖非正經孔子之言與正經何異諸儒忽司馬彪志致使天子之子而行士冠禮此朝廷之失冠禮朕曰爲有賓諸儒皆曰爲無賓朕既從之復令有失孔子云斐然成章其斯之謂魏書禮志四十九年五月冠皇太子於廟六月除辭眞度爲荊州刺史詔太和十九年五月

眞度之罪誠如所奏但頃與安都送款彭方開闢徐宋外捍沈攸道成之師內盪邊境烏合之眾淮海來服功頗在茲言念厥績每用嘉美赭陽百敗何足計也宜異羣將更申後效可還其元勳之爵復除荊州刺史自餘徽號削奪進足彰忠退可明失魏書辭安度攻赭陽爲房伯玉所敗有司奏免官爵詔云云

罷祀鄴中密皇后廟詔太和十九年六月

婦人外成理無獨祀陰必配陽曰成天地未聞有莘之國立太姒

之饗此乃先皇所立一時之至感非經世之遠制便可罷祀

魏書明元

密皇后傳高祖時相州刺史高闢表修后廟詔云云

案今

密后傳高祖誤作高宗據禮志一改正高闢表亦見禮志一

舊墓不聽墾植詔

太和十九年九月

諸有舊墓銘誌見存昭然爲時人所知者三公及位從公者去墓

三十步尙書令僕九列十五步黃門五校十步各不聽墾植

魏書孝文

下紀

賜高闢詔 太和十九年九月

問昔在中禁有定禮正樂之勳作藩于州有廉清公幹之美自大

軍停軫庶事咸豐可謂國之老成善始令終者也每惟厥德朕甚

嘉焉可賜帛五百匹粟一千斛馬一匹衣一襲曰寡人勤

魏書高闢傳車

駕至鄴高祖頒幸其州館詔

曰高闢爲幽州刺史詔

闢曰懸車之年方求衣錦知進忘退有塵謙德可降號平北將軍

朝之老成宜遂情願徒授幽州刺史令存勸兩脩恩法竝舉

魏書高闡

傳聞每請本州召自效詔云云

臨廣川王諧喪詔 太和十九年

朕宗室多故從弟諸喪逝悲痛摧割不能已已古者大臣之喪有三臨之禮此蓋三公已上至于卿司已下故應 闕 自漢已降多無此禮朕欲遵古典哀感從時雖已尊降伏私痛寔爽欲令諸王有朞親者爲之三臨大功之親者爲之再臨小功總麻爲之一臨廣川王于朕大功必欲再臨再臨者欲于大殮之日親臨盡哀成服之後總麻而弔既殯之總麻理在無疑大殮之臨當否如何爲須撫柩于始喪爲應盡哀于闔棺早晚之宜擇其厥中

魏書廣川王略附傳

又詔

魏晉已來親臨多闕至于戚臣必于東堂哭之頃大司馬安定王薨朕既臨之後復更受慰于東堂今日之事應更哭否

魏書廣川王略附傳

又詔

若大司馬、國尊位重，必哭于東堂，而廣川既是諸王之子，又年位

尚幼，卿等議之，朕無異焉。

魏書廣川王略附傳

廣川王不得就妃葬代詔

遷洛之人，自茲厥後，悉可歸骸邱嶺，皆不得就塋恆代。其有夫先葬在北，婦今喪在南，婦人從夫，宜還代葬。若欲移父就母，亦得任之。其有妻墳于恆代，夫死于洛，不得冒尊就卑，欲移母就父，宜亦從之。若異葬亦從之。若不在葬限，身在代喪葬之，彼此皆得任之。其戶屬恆燕身官京洛，去留之宜，亦從所擇。其屬諸州者，各得任意。

魏書廣川王略附傳有司奏廣川王妃薨于代京未審曰新尊從于卑舊為宜卑舊來就新尊詔云

議圓丘禮詔

太和十九年十一月己卯

朝集公卿欲論圓丘之禮，今短晷斯極，長日方至，案周官祀昊天上帝于圓丘，禮之大者，兩漢禮有參差，魏晉猶亦未一，我魏氏雖

上參三皇、下攷叔世、近代都祭圜丘之禮、復未攷周官爲不刊之

法、令曰此祭圜丘之禮、示卿等欲與諸賢攷之厥衷、魏書禮志一

詔廣陵王羽、太和十九年十二月

吾因天庥、運乘時樹功、開荆拓沔、威振楚越、時暨三炎、息駕汝潁、

勢臨荆徐、聲遏江外、未容解甲、凱入三川、纂兵修律、俟秋方舉、海

服之寄、故惟宗良、善開經策、寧我東夏、敬慎汝儀、勿墜嘉問、唯酒

唯田、可不戒歟、魏書廣陵王羽傳羽爲青州刺史高祖親饒之華林園後詔

詔于登、太和十九年十二月

朕今創禮新邑、明揚天下、卿父乃行謙讓之表、而有直士之風、故

進卿爲太子翊軍校尉、魏書于栗磾附傳烈子登引例求進烈表乃引見登詔

吏民爲刺史服詔、太和十九年

今古時殊、禮或隆殺、專古也、理與今違、專今也、大乖曩義、當斟酌

兩途、商量得失、吏民之愷、亦不可苟順也、主簿近代相承、服斬過

葬便除可如故事自餘無服大成寥落可準諸境內之民爲齊衰

三月

魏書公孫表附傳表孫遜爲青州刺史卒于官青州佐吏疑爲所服高祖詔

制定代人姓族詔

太和十九年

代人諸胄先無姓族雖功賢之胤混然未分故官達者位極公卿其功衰之親仍居猥任比欲制定姓族事多未就且宜甄擢隨時漸銓其穆陸賀劉樓干嵇尉八姓皆太祖已降勳著當世位盡王公灼然可知者且下司州吏部勿充猥官一同四姓自此以外應班士流者尋續別敕原出朔土舊爲部落大人而自皇始已來有三世官在給事已上及州刺史鎮大將及品登王公者爲姓若非本非大人而皇始已來職官三世尙書已上及品登王公而中閒不降官緒亦爲姓諸部落大人之後而皇始已來官不及前列而有三世爲中散監已上外爲太守子都品登子男者爲族若非大人而皇始已來三世有令已上外爲副將子都太守品登侯已上

者亦爲族凡此姓族之支親與其身有總麻服已內微有一二世
官者雖不全充美例亦入姓族五世已外則各自計之不蒙宗人
之蔭也雖總麻而三世官不至姓班有族官則入族官無族官則
不入姓族之例也凡此定姓族者皆具列由來直擬姓族已呈聞
朕當決姓族之首末其此諸狀皆須問宗族列疑明同然後句其
舊籍審其官宦有實則奏不得輕信其言虛長僥僞不實者訴人
皆加傳旨問而詐不曰實之坐選官依職事荅問不曰實之條令
司空公穆亮領軍將軍元儼中護軍廣陽王嘉尙書陸琇等詳定
北人姓務令平均隨所了者三月一列解帳送門下曰聞魏書官
氏志
餞南安王楨詔太和二十年四月

從祖南安旣之蕃任將曠遶千里豫懷惻戀然今者之集雖曰分
岐實爲曲宴竝可賦詩申意射者可曰觀德不能賦詩者可聽射
也當使武士彎弓文人下筆魏書南安
王楨傳

久旱得雨詔 太和二十年七月

炎陽爽節、秋零卷樹、在子之責、實深悚慄、故輟膳三晨、曰命上訴靈鑒、誠款曲流雲液、雖休勿休、溫敢愆怠、將有賢人湛德、高士凝棲、雖加銓采、未能招致、其精訪幽谷、舉茲賢彥、直言極諫、匡予不及、又邪佞毀朝、固唯治蠹、貪夫竊位、大政曰虧、主者彈劾、不肖明黜盜祿、又法爲治要、民命尤重、在京之囚、悉命條奏、朕將親案、曰時議決、又疾苦六極、人神所矜、宜時訪恤、曰拯窮廢鰥寡、困乏不能自存者、明加矜恤、令得存濟、又輕徭薄賦、君人常理、歲中恆役具曰狀聞、又夫婦之道、生民所先、仲春奔會、禮有遠式、男女失時者、曰禮會之、又京民始業、農桑爲本、田稼多少、課督不具、曰狀言

魏書孝文紀下

詔僕射李冲領軍于烈 太和二十年十二月

陸徽元丕早口口口口大臣自與卿等同受非常之詔、朕許曰不

死之旨思得上下齊信。曰保大義。朕于卿等常忘短棄取。務相含養。豈謂陸叡無心之甚。一至于斯。乃與穆泰結禍。數圖反噬。曰朕遷洛。內懷不可擬。果諸王議引子恂若斯之論。前後非一。始欲推故南安王。次推陽平王。若不肯從。欲逼樂陵王。訕謗朝廷。書信炳然。事既垂就。叡曰洛都休明。勸令小緩。于是之後。兩人復競。然猶隱而弗聞。賴陽平王忠貞奮發。獲泰之言。便爾馳表。得使正人糾慝。恆岳無塵。是曰叡之愆失。處入門誅。朕諦尋前旨。許不盡法。反逆之志。自負幽明。違誓在彼。不關朕也。反心逆意。既異餘犯。雖欲矜恕。末如之何。然猶憶先言。兼曰末頗異議。聽自死別府。免厥辜戮。其門子孫永世不齒。元丕二子一弟首爲賊端。其父無人明證。理在可觀。但曰言無炳灼。隱而弗窮。曰連坐應死。特恕爲民。朕本期有終。而彼自棄。卿等之閒。忽及今日。違心乖念。一何可悲。故此別示。想無致怪也。謀反之外。皎如白日耳。

魏書陸叡附傳陸叡與穆泰等同謀構逆賜死

獄中高祖詔僕射李冲領軍于烈云云冲烈表云云案今本詔字誤作謂據文云故此別示又據冲烈表云別垂明詔知此謂字必誤也

原元拔養子從罪詔 太和二十年十二月

僕射之議據律明矣太尉等論于曲矯也養所目從戮者緣其已免所生故不得復甄于所養此獨何福長處吞舟于國所目不饒者重列爵特立制因天之所絕推而除之耳豈復報對刑賞于斯則應死可特原之

魏書李冲傳

沙門道登喪詔 太和二十年

朕師登法師奄至徂背痛悼摧慟不能已已比樂治愼喪未容卽

赴便準師義哭諸門外續素之

魏書釋老志

引武興王楊集始入宴詔劉昶

集始邊方之酋不足呂當諸侯之禮但王者不遺小國之臣況此蕃垂之主故勞公卿于此

魏書劉昶傳案此事昶傳列于十七年之前而本紀楊集始入朝在二十一

年四月疑傳
款事失次也

爲鳩摩羅什舊堂所建浮圖詔 太和二十一年五月

羅什法師可謂神出五寸志入四行者也今常住寺猶有遺地獄
悅修蹤情深遐遠可于舊堂所爲建三級浮圖又見逼昏虐爲道
殄軀旣暫同俗禮應有子胤可推訪已聞當加敘接 魏書釋
老志

恤老病詔

太和二十一年九月

哀貧恤老王者所先鰥寡六疾尤宜矜愍可敕司州洛陽之民年
七十已上無子孫六十已上無妻親貧不自存者給以衣食及不
滿六十而有廢痼之疾無大功之親窮困無以自療者皆于別坊
遣醫救護給醫師四人豫請藥物以療之 魏書孝
文紀下

命公孫延景宣詔房伯玉 太和二十一年九月

天無二日土無兩王是已躬總六師蕩一四海宛城小戍豈足已
禦抗王威深可三思封侯胙土事在俯仰 魏書房法
壽附傳

朕親率麾旆遠清江河此之小戍豈足徘徊王師但戎輅所經纖介須殄宜量力三思自求多福且卿早蒙蕭蹟殊常之眷曾不懷恩報曰塵露蕭鸞妄言入繼道成蹟子無子遺卿不能建忠于前君方立節于逆豎卿之罪一又頃年傷我偏師卿之罪二今鑾旆親戎清一南服不先面縛待罪麾下卿之罪三卿之此戍多則一年中則百日少則三旬剋殄豈遠宜善思之後悔無及

魏書房法壽附傳

詔彭城王勰

太和二十一年十一月

明便交敵可敕將士肅爾軍儀

魏書彭城王勰傳

詔荅彭城王勰

割身存國理爲遠矣但汝亦我乃滅已助國職俸便停親國二事

聽三分受一

魏書彭城王勰傳勰表曰國族職俸親恤曰裨軍國詔荅

增彭城王勰邑戶詔

朕形疲稚年心勞長歲積思成病頓發汝頴第六弟勰孝均周弟

感侔姬旦、遺食捨床、動止必親、敦醫勸膳、誠力俱竭、致茲保康、實賴同氣、又秉務緝政、百司是憑、綱維折衷、萬揆獲濟、撫師于霖、浩之辰、處戎于薦、逼之日、安外靜內、功臣大道、侍省之績、可曰孔懷、無褒翼亮之勤、實乃勳存社稷、宜有酬賞、曰旌國功、可增邑一千戶、

魏書彭城王勰傳

又詔彭城王勰

汝在私能孝、處公必忠、比來勤憂足布朝野、但可祇應、

魏書彭城王勰傳

賜進士出身一品銜廣東等處提刑按察使司按察使兼管驛傳事務高岡王毓藻校刊

全後魏文卷七

烏程嚴可均校輯

孝文帝五

原沈保冲詔 太和二十一年

保冲文秀之子可特原命配洛陽作部終身

魏書沈文秀附傳子保冲坐援連口退敗

有司處之死刑高祖詔

手詔李崇爲梁州刺史 太和二十一年

今仇隴剋清鎮捍曰德文人威惠旣宣實允遠寄故敕受梁州用
監邊服便可善思經略去其可除安其可育公私所患悉令芟夷

魏書李崇傳

饑北海王詳還洛詔 太和二十二年正月

昔者淮夷叛命故有三年之舉鬼方不令乃致淹載之師況江吳
竊命于今十紀朕必欲蕩滌南海然後言歸今夏停此故與汝相

見善守京邑副我所懷

魏書北海王詳傳車駕南伐詳朝于行宮及還洛高祖饒之詔詳

詔王肅

太和二十二年正月

夫知己貴義君臣務恩不能矜災卹禍恩義焉措卿情同伍員懷
酷歸朕然未能翦一讎人賊彼凶帥何嘗不興言憤歎羨吳閭而
長息比獲蕭鸞輔國將軍黃瑤起乃知是卿怨也尋當相付微望
紓泄使吾見卿之日差得緩懷魏書王肅傳既平漢陽詔肅云云
起改與殺之故詔云然

詔房伯玉

太和二十二年二月

朕承天馭宇方欲清一寰域卿蕞尔小成敢拒六師卿之愆罪理
在不赦

魏書房法詩附傳

詔荅王肅

太和二十二年三月

得表覽之憮然觀卿意非專在水當是已藻等銳兵新敗于前事
往勢難故也朕若分兵遣之非多會無所制多遣則禁旅雖闕今

日之計唯當作必剋之舉不可為狐疑之師徒失南究也卿便息
意停彼曰圖義陽之寇宜止則止還取義陽宜下則下鎮軍淮北
深量二途勿致重爽若孟表糧盡軍不及致失渦陽卿之過也魏書
王肅傳肅討義陽未剋而齊將裴叔業寇渦陽劉藻等救之叔業
業所敗肅表求更遣軍援劉陽詔云云肅乃解義陽之圍曰赴渦
陽孝明紀乙未詔將軍鄭思明
懷虛敬宇文福等三軍繼援

曰傳永為汝頴鎮將詔

脩期在後少有擒殺可揚武將軍汝陰鎮將帶汝陰太守魏書傳
叔業又圍渦陽遣永為統軍與高聰劉藻成造益任莫問等往救
之戰敗高祖俱城之聰藻徙為邊民永免官爵而已不旬日詔云
永字脩期

減損恆供詔太和二十二年九月

朕曰寡德屬茲靖亂實賴羣英凱清南夏宜約躬賞效曰勸茂績
后之私府便可損半六宮嬪御五服男女常恤恆供亦令減半在
戎之親三分省一魏書孝
文紀下

詔南陽太守鄧長猷

太和二十二年九月

昔曹公剋荊州、留滿寵于後、朕今委卿此郡、兼統戎馬、非直綏初

附、召并城相託

魏書劉芳附傳

酬賚徐寒詔

太和二十二年九月

夫神出無方、形稟有礙、憂喜乖適、理必傷生、朕覽萬機、長鍾革運、思芒芒而無息、身忽忽曰興勞、仲秋動病、心容頓竭、氣體羸瘠、玉几在慮、侍御師右、軍將軍徐成伯、馳輪太室、進療汝菴、方窮丹英、藥盡芝石、誠術兩輸、忠妙俱至、乃令沈勞勝愈、篤療克痊、論勤語效、實宜褒錄、昔晉武暴疾、程和應增封、辛亥數朝、錢爵大墜、沉疾深于曩辰、業難于疇日、得不重加陟賞乎、宜順羣望、錫召山河、且其舊逕高秩、中暫解退、比雖銓用、猶未口口、準舊量令、事合顯進、可鴻臚卿、金鄉縣開國伯、食邑五百戶、賜錢一萬貫、

魏書徐寒傳

又詔

錢府未充須臾雜物絹二千匹雜物一百匹四十四匹出御府穀二千斛奴婢十口馬十匹一匹出驛驢牛十頭所賜雜物奴婢牛馬皆經內呈

魏書徐喜傳

贈李冲詔

太和二十二年

冲貞和資性德義樹身訓業自家道素形國太和之始朕在弱齡早委機密實康時務鴻漸瀝洛朝選開清升冠端右惟允出納志肅柔明足敷睿範仁恭信惠有結民心可謂國之賢也朝之望也方昇寵秩已旌功舊奄致喪逝悲痛于懷既畱勤應陟兼良宿宜哀可贈司空公給東園祕器朝服一具衣一襲贈錢三十萬布五百匹蠟二百斤

魏書李冲傳

推列韓顯宗詔

太和二十二年

顯宗斐然成章甚可怪責進退無檢虧我清風此而不糾或長敝俗可付尙書推列已聞

魏書韓麒麟附傳

奪韓顯宗見官詔

太和二十二年

顯宗雖浮矯致愆才猶可用豈得永棄之也可曰白衣宇諮議展其後效但鄙很之性不足參華可奪見口并禁問訊諸王

魏書韓麒麟附傳

轉薛真度爲豫州刺史詔

太和二十二年

獻忠盡心人臣令節標善賞功有國微範故一言可曰興邦片辭可曰喪國得無遠錄前謀曰褒厥善真度爰自遷京每在戎役沔北之計恆所與聞知無不言頗見采納及六師南邁朕欲超據新野羣情皆異真度獨與朕同撫蠻貊實有勤績可增邑二百戶轉征虜將軍豫州刺史

魏書薛安都附傳

報廣陵侯衍詔

先君餘尊之所厭禮之明文季末陵遲斯典或廢侯既親王之子宜從餘尊之義便可大功

魏書陽平王新成附傳衍爲徐州刺史所生母雷氏卒表請解州詔云

報元脩義詔

脩短有命吉凶由人何得過致憂憚。曰乖維城之寄違凶就吉時亦有之可聽更立館宇。魏書汝陰王天賜附傳第五子脩義遷齊州刺史。曰齊州頻喪刺史累表固辭詔云爲六弟娉室詔

夫婚姻之義曩葉攸宗求賢擇偶綿代斯慎故剛柔著于易經鵲巢載于詩典所曰重夫婦之道美尸鳩之德作配君子流芳後昆者也。然則婚者合二姓之好結他族之親上曰事宗廟下曰繼後世必敬慎重正而後親之夫婦既親然後父子君臣禮義忠孝于斯備矣。太祖龍飛九五始稽遠則而撥亂創業日昃不暇至于諸王娉合之儀宗室婚姻之戒或得賢淑或乖好迷自茲以後其風漸缺皆人乏窈窕族非百兩擬匹卑濫舅氏輕微違典滯俗深用爲歎。曰皇子茂年宜簡令正前者所納可爲妾媵將曰此年爲六弟娉室長弟咸陽王禧可娉故潁川太守隴西李輔女次弟河南

王幹可娉故中散代郡穆明樂女次弟廣陵王羽可娉驃騎諮議

參軍滎陽鄭平城女次弟潁川王雍可娉故中書博士范陽盧神

寶女次弟始平王勰可娉廷尉卿隴西李冲女季弟北海王詳可

娉吏部郎中滎陽鄭懿女

魏書咸陽王禧傳

詔荅有司

利建雖古未必今宜經野

北史作畫野

由君理非下請邑采之封自有

別式

魏書咸陽王禧傳有司奏冀州人蘇僧瓊三千人稱禧清明有惠政請世作冀州詔云云又見北史十七

停教武詔

雖云教武未練其方既逼北行臣聞教武脫生羣惑且可停之

魏書

咸陽王

禧傳

臨韓太妃喪詔

太妃韓氏薨逝情已傷慟太妃先朝之世位擬九殞豫班上族誕我同氣念此孤稚但用感側明當暫往臨哭可敕外備辦遣侍御

史假節監護喪事贈綵八百匹

魏書趙郡王幹傳

敦諭河南王幹詔

季世多務情緣理奪幹既居要任銓衡是荷豈容遂其私志致曠所司可遣黃門郎敦諭令勉從王事朕尋當與之相見

魏書趙郡王幹傳

餞趙郡王幹詔

夫刑獄之理先哲所難然既有邦國得不自勵也汝我之懿弟當聿修厥德光崇有魏深思遠圖如臨深履薄罔恃親重不務世政

國有常憲方增悲感

魏書趙郡王幹傳幹除冀州刺史高祖親餞于近郊詔幹

推問斬盜馬賊詔

夫刑曰節人罪必無濫故刑罰不中民無措手足若必曰威殺爲良則應汎通眾牧苟須有禁何得不稽之正典又律令條憲無聽新君加戮之文典禮舊章不著始臨專威之美尚書曲阿朕意實傷皇度幹聞于治理律外重刑竝可推聞

魏書趙郡王幹傳幹爲冀州刺史州表斬盜馬

人于律過重而倚書曰幹
初臨終而不効詔云云

詔卿範

卿身非功舊位無重班所已超遷顯置任居方夏者正已勤能致
遠雖外無殊效亦未有負時之愆而鎮將伊利妄生姦撓表卿造
船市玉與外賊交通規陷卿罪窺觐州任有司推驗虛實自顯有
罪者今伏其辜矣卿其明為算略勿復懷疑待卿別犯處刑及鞭
今恕刑罷鞭止罰五十卿宜克循緩輯邊服稱朕意也魏書李
範傳

經李冲墓遣祭詔

太和二十三年正月

司空文穆公德為時宗勳簡朕心不幸徂逝託墳邱嶺旋鑿覆舟
躬睇瑩域悲仁惻舊有慟朕衷可遣太牢之祭已申吾懷魏書李
冲傳

諡高祐詔

太和二十三年

不遵上命曰靈可諡為靈

魏書高
祐傳

褒升崔振詔

太和二十三年

振在邵著績宜有褒升魏書祖振附傳弟振為高陽內史徵兼

詔云云案官氏志

政職令在二十三年

詔任城王澄太和二十三年三月

顯達侵亂河陽不安朕不親行莫攘此賊朕疾患淹年氣力憊敝

如有非常委任城大事是段任城必須從朕魏書任城王傳高祖

堂詔云云遂從駕南伐

齊王簡喪詔太和二十三年

叔父薨背痛慕摧絕不自勝任但虛頓牀枕未堪奉赴當力疾發

哀魏書齊郡王簡傳

薨時高祖不豫

黜張彝為守尚書詔

阿倪愚昧誰引為郎北史秦王翰傳陪斤子昭小字阿倪尚書張

昭乃作宮懸帝大怒詔云云下

是黜彝白衣守尚書昭遂停廢

汝弟六叔父颺清規懋賞與白雲俱潔厭榮捨紱曰松柏爲心吾少與綢繆提攜道趣每請解朝繆恬眞巨壑吾曰長兄之重未忍離遠何容仍屈素業長嬰世網吾百年之後其聽颺辭蟬捨冕遂其沖挹之性無使成王之朝翻疑姬旦之聖不亦善乎汝爲孝子勿違吾教

魏書彭城王勰傳

呂僧顯爲沙門都統詔

門下近得錄公等表知欲早定沙門都統比攷德選賢寤寐勤心繼佛之任莫知誰寄或有道高年尊理無勞紆或有器立識邈高挹塵務今日思遠寺主法師僧顯仁雅欽韻澄風柔鏡深敏潛明道心清亮固堪茲任式和妙衆近已口白可敕令爲沙門都統及副儀貳事縑素攸同頃因曜統獨濟遂廢茲任今欲毗德贊善固須其人皇舅寺法師僧義行恭神曷溫聰謨正業茂道優用應副翼可都維那呂光賢徒

廣引明集二十四

聽諸法師一月三人殿詔

門下崇因贊業莫若宗玄、裨神樂志、誰先英哲、故周旦著其朋之誥、釋迦唱善知之文、然則位尊者曰納賢爲貴、德優者曰親仁爲尚、朕雖寡昧、能無庶幾也、先朝之世、經營六合、未遑內範、遂令皇庭闕高邈之容、紫闥簡超俗之儀、于欽善之理、福田之資、良爲未足、將欲令懿德法師時來相見、進可餐稟道味、退可飾光朝廷、其敕殿中聽一月三人、人數法諱別當牒付、廣弘明集二十四

令諸州眾僧安居講說詔

門下憑立歸妙、固資冥風、餐慧習慈、實鍾果智、故三災檢攝道之恆規、九夏溫詮法之嘉猷、可敕諸州、令此夏安居清眾、大州三百人、中州二百人、小州一百人、任其數處講說、皆僧祇粟供備、若粟少、徒寡、不口此數者、可令昭玄量減還聞、其各欽旌賢匠、良推叡德、勿致濫濁、情茲後進、廣弘明集二十四

贈徐州僧統并設齋詔

門下徐州道人統僧逞風識淹通器尚倫雅道業明博理味淵澄
清聲茂譽早彰于徐沛英懷立致夙流于譙宋比唱法北京德芬
道俗應供皇筵美敷宸宇仁報之良朕所嘉重依因既終致茲異
世近忽知聞悲愴于懷今路次充濮青泗豈遙愴然念德又增厥
心可下徐州施帛三百疋已供追福又可爲設齋五千人

廣弘明集二十

歲施道人應統帛詔

門下應統仰紹前哲繼軌道門徽佇立範冲猷是託今旣讓俗名
理宜別供可取八解之義歲施帛八百疋準四輩之呪隨四時而
給又修善之本實依力命施食之因內典所美可依朝自上秩當
月而施所已遠譬深理者匪獨開崇俗心抑亦獎勵道意耳

廣弘明集

爲慧紀法師亡施帛設齋詔

門下徐州法師慧紀凝量貞遠道識清虛英素之操超然世外綜涉之功斯焉罕倫光法彭方聲茂華裔研論宋壤宗德遠邇爰于往辰唱啼鹿苑作匠京緇延賞賢叢候矣死魔忽殲良器聞之悲哽傷慟于懷可敕徐州施帛三百疋并設五百人齋曰崇追益

明集二
十四

敕副使王清石

太和初

卿莫曰本是南人言語致慮若彼先有所知所識欲見便見須論卽論盧昶正是寬柔君子無多文才或主客命卿作詩可率卿所知莫曰昶不作便復罷也凡使人之體曰和爲貴勿遽相矜誇見于色貌失將命之體卿等各率所知曰相規誨

魏書盧玄附傳詔盧昶便于蕭昭業

又敕副使

王清石

敕王肅劉昶

太和十九年

聞蕭衍善用兵勿與爭鋒待吾至若能禽此人則江東吾有也南史

六建武二年蕭和單騎走得蕭和巾箱中魏帝敕

密敕宕昌公王遇將遷洛

太師萬一即可監護喪事魏書馬熙傳

敕荅成淹諫汎泗入河太和十九年四月

朕自恆代無運漕之路故京邑民貧今移都伊洛欲通運四方而

黃河急浚人皆難涉我因有此行必須乘流所目開百姓之心知

卿至誠而今者不得相納魏書成淹傳高祖幸徐州將汎泗入河

祖敕

宣旨彭城王勰

總翼勰六師募戎荆楚河北之勳每毗廟算從征新野有克城之

謀受命鄧城致大捷之效功為羣將之最也別賞授賞不替厥庸

魏書彭城王勰傳車駕還京會百寮于宣德堂行飲至策勳之禮命舍人宣旨

戒南安王楨

翁孝行著于私庭、令聞彰于邦國、每欽忠懿、思一言展、故因講武、遠徵赴闕、仰戀仁慈、情在未已、但長安鎮年饑民儉、理須綏撫、不容久畱、翁今還州、其勤隱恤、無令境內有飢餓之民、翁既國之懿親、終無貧賤之慮、所宜愼者、略有三事、一者恃親驕矜、違禮僭度、二者傲慢貪奢、不恤政事、三者飲酒遊逸、不擇交友、三者不去、患禍將至、但能愼此、足自全身遠害、光國榮家、終始之德、成矣、

魏書
南安王楨傳

誡高陽王雍

相州乃是舊都、自非朝賢德望、無由居此、是已使汝作牧、爲政之道、非難非易、其身正不令而行、故便是易、其身不正、雖令不從、故便是難、又當愛賢士、存信約、無用人言、而輕與奪也、

魏書高陽王
雍傳雍除相
州刺史高
祖誡雍

誠河南王幹 太和十七年六月

司空穆亮年器可師散騎常侍盧淵才堪詢訪汝其師之

魏書趙郡王幹

傳太和九年封河南王及車駕南伐召幹總戎別道誠之

誠太子恂曰冠義 太和十七年七月

夫冠禮表之百代所曰正容體齊顏色順辭令容體正顏色齊辭

令順故能正君臣親父子長幼然母見必拜兄弟必敬責曰成

人之禮字汝元道所寄不輕汝當尋名求義曰順吾旨

魏書廢太子恂傳太

和十七年冠恂于廟高祖臨光

極東堂引恂人見誠曰冠義

戒上谷侯贊贊化畿甸可宣孝道必令風教洽和文禮大備自今有不孝不弟

者比其門標曰刻其柱

北史十五秦王翰傳初置司州曰贊為刺史賜爵上谷侯孝文戒云云于是賜名曰

贊

賜北海王詳璽書

比遊神何業也。丘墳六籍，何事非娛。善正風猷，肅是禁旅。魏書此海王詳

遺曹虎書

皇帝謝偽雍州刺史神運兆中，皇居闕洛，化總元天，方融八表，而南有未賓之吳，治爲兩主之隔，幽顯含嗟，人靈壅閼。且漢北江邊，密邇乾縣，故先動鳳駕，整我神邑。卿進無陳平歸漢之智，退闕關羽殉節之忠，嬰閉窮城，憂頓長旆，機勇兩缺，何其嗟哉。朕比乃欲造卿，逼穴未果，且還新都，饗厥六戎，人彼春月，遲遲揚旆，善脩爾略。呂侯義臨。南齊書曹虎傳

爲家人書與彭城王勰

教風密微，禮政嚴嚴，若不深心日勤，何目敬諸。每欲立一宗師，肅我元族，汝親則宸極，位乃中監，風標才器，實足師範，屢有口敕，仍執冲遜，難違清挹。往苒至今，宗制之重，捨汝誰寄，便委目宗儀責。

成汝躬有不遵教典隨事目聞吾別肅治之若宗室有愆隱而不舉鍾罰汝躬綱維相厲庶有勸改吾朝聞夕逝不爲恨也

魏書彭城王勰傳

顧命宰輔

粵爾太尉司空尙書令左右僕射吏部尙書惟我太祖丕丕之業與四象齊茂累聖重明屬鴻庥于寡昧兢兢業業思纂乃聖之遺蹤遷都嵩極定鼎河漣庶南蕩甌吳復禮萬國曰仰光七廟俯濟蒼生困窮早滅不永乃志公卿其善毗繼子隆我魏室不亦善歟可不勉之

魏書孝文紀下

祭恆嶽文

維太和十八年敬昭告于恆嶽之靈天極構高人暉肇啟幽明合歡百神同悅今龍旆鳴鑾載還伊室邁歷恆巒路鄰陰嶽惟靈作鎮出納炎冰帝道資功坤儀憑德故遣兼官已牲玉薦于恆嶽之

靈尚饗

初學記五

祭嵩高山文

維太和十八年敬昭告于嵩高中嶽之靈太極分渾兩儀是生辰
作乾寶嶽樹坤靈昭彰天地吐納五情唯中挺神祥契幽經日月
交暉寒暑遞成萬象合和兆類孳盈爰自化闢倣慶胥庭軒轅曜
哲伊祁載形逮于有周實光洛禎川潛龍光山隱鳳停三才憑微
七曜依明人倫傾首百神柔誠造厥區夏歷茲三正應符代續孰
不斯營日乎皇魏飛虬玄并螭騰穹象川九黔羸新邦興略不猷
罔清佗瓊指陰淹翠濕亭河圖曠覽升中闕銘朕承法統誕邀休
宏開物成務載樂盛齡遷宇柳方闢繩塵城則直之興百堵若星
日躔流馥月陸芬馨鏘旋紫宿景曜黃衡鸞聲嘒嘒鳥和嚶嚶歸
蓋如雲還輶若雲惟嵩崑崙峻極昊青惟邑翼翼長啟魏京薦玉
告于用昭永貞納茲多福萬國曰靈

初學記五

弔殷比干墓文

唯皇構選中之元載、歲御次平關、茂望舒會于星紀、十有四日、日
唯甲申、子揚和淇右、蹀躞鄘西、指崧原而搖步、順京途以啟征路、
歷商區、轄屆衛壤、泛目睇川、縱覽觀陸、遂徇晚古跡、游曠曩風、覩
殷比干之墓、悵然悼懷焉、乃命馭駐輪、策驥躬矚、荆蕪荒朽、工爲
綿蕞、而遺猷明密、事若對德、慨狂后之猖穢、傷貞臣之婞節、聊興
其韻、貽弔云爾、

曰三才之肇元兮、敷五靈以扶德、含剛柔于金木兮、資明闇于南
北、重離耀其炎暉兮、曾坎司立以秉黑、伊稟常之懷生兮、昏睿遞
其啟則、晝皎皎其何朗兮、夜幽幽而致繁、哲人昭昭而澄光兮、狂
夫黜黜其若瞽、咨堯舜之耿介兮、何桀紂之猖敗、沈湎而不知甲
兮、終或已以貽戾、謇謇兮比干、藉冒兮殷宗、含精兮誕立、寘樹兮
英風、東蘭露以滌神、滄蘗英而儆容、茹薜荔以蕩識、佩江離以麗

躬履霜曰結冰兮卒嘗忠而弥濃千金豈其吝珍兮皇轡實余所
鍾奮誠諫而燼軀兮導危言曰鯨鯨嗚呼哀哉嗚呼哀哉惟子在
殷實爲樑棟外贊九功內微辰共匡率衰職德音遐洞周師還旆
非子誰貢否哉悖運遘此不辰三綱道沒七曜輝泯負乘竊器怠
棄天倫懷誠齎怒譴言焉陳嵬侯已醢子不見歟邢侯已脯子不
聞歟微子去矣子不知歟箕子奴矣子不覺歟何其輕生一致斯
歟何其愛義勇若歸歟遺體既灰不其惜歟永矣無返不其痛歟
嗚呼哀哉嗚呼哀哉夫天地之長遠兮嗟人生短多殃往者子弗
及兮來者子不履當胡契闊之屯亶兮值昏化而永良曷不相時
曰卷舒兮徒委質而顛亡雖虛名空傳于千載詎何勳之可揚奚
若騰魂曰遠逝飛足而歸昌得比肩于尚父卒同協于周王建鴻
績于盛辰啟骨宇于齊方闡穆音乎萬祀傳冤業曰脩長而乃自
受茲斃視竅殷案剖心無補迷機喪身脫非武發封墓誰因嗚呼

介士胡不我臣

重曰世惜惜而溷濁兮日藹藹其無光時坎廩而險隘兮氣慄慄
曰飛霜子奚其不遠逝兮佗僚而趾故鄉可乘桴曰浮滄兮求蓬
萊而爲根銜芝條曰昇虛兮與赤松而翱翔被菱荷之輕衣兮曳
扶容之蒨裳循海波而灑颺兮望會稽曰歸禹紐蕙芷曰爲紳兮
冠荃佩而容與寫鬱結于聖人兮暘中心之祕語執垂益而談卡
兮交良朋而攄苦言既而東騰兮吸朝霞而長舉登岵巖而悵望
兮眺扶桑曰停佇謁靈威曰問路兮乘谷風而振宇遂假載于羲
和兮馮六螭曰南處蒼衡嶽而顧步兮濯沅湘曰自潔嚼炎州之
八桂兮踐九疑而遙竄卽蒼梧而宗舜兮拂埃霧曰就列采輕越
而肅帝兮切寶犀曰貫介誥清風之淪覆兮話蕭韶之湮滅召熊
羆而敘釋兮問重華之風桀余乃飲正陽之精氣兮遊丹丘而明
視捐祝融而求鳥兮御朱鸞曰循指因景風而凌天兮迴靈鶴曰

西履降黃潛而造稷兮、慰稼穡之艱難、訪有郢之說說兮、過何主
而獲安、然後陟崑崙之翠嶺兮、攀瓊枝而縈桓、步懸圃已漚澆兮、
咀玉英已折蘭、歷崦嵫而一顧兮、肝沐髮于消盤、仰徙倚于閭闔
兮、請帝閭而啟關、天沈寥而廓落兮、地寂寥而遼闊、淪淪陰已裊
氣兮、佩瑤玕而鳴璚、拜招矩而脩節兮、少躊躇已相羊、祈騶驥而
總轡兮、隨泰風已颺揚、瞰不周而左旋兮、縱神駟已北望、尋流沙
而騁繼兮、暨陽周已縹駕、靡芸芳已馥體兮、索夷杜而桓衡、奉軒
轅而陳辭兮、申時俗之不暇、適岐伯而脩命兮、展力牧而問羈、歎
沆瀣之純粹兮、闢寒門之層冰、聆廣莫之颺瑟兮、覲黔羸而迴凝
擁、立武已涉虛兮、亢神冥而威陵、象曖昧而晦鬱兮、途曼曼其難
勝、策飛廉而前驅兮、使燭龍已輝澄、歸中樞而睇睨兮、想玄漠之
已周、慨飛魂之無寄兮、颯翩袂而上浮、引雄虹而登峻兮、揚雲旌
已軒遊、躍八龍之蜿蜿兮、振玉鸞之啾啾、攀彗星已朗導兮、委升

軻乎大儀、敖重陽之帝宮兮、凝精魄于旋曦、扈陽曜而靈脩兮、豈傳說之足奇、但至潔之不悛兮、寧溘死而不移、碑拓本又南齊書魏房傳引脫非武發四句案魏書孝文紀太和十八年十一月車駕幸鄴經比干之墓傷其忠而獲展親爲弔文樹碑而刊之劉芳傳芳爲注解表之上

祭岱嶽文

太和十九年四月

維太和十九年、敢昭告于泰山東嶽之靈、造化氛氲、是生二儀、玄黃既闢、山川已離、四流含靈、五嶽苞祇、并兼萬象、出納望儀、岱宗穹崇、梁甫盤嶠、青丘崎嶇、春趾鬱律、肇生庶類、啟光品物、上敷神工、下融靈秩、載協化文、四氣已溢、百王鐫成、莫不茲室、初學記五

祭河文

維太和十九年、皇帝敢昭告于河瀆之靈、坤元涌溢、黃瀆作珍、浩浩洪流、實裨陰淪、通源導物、含介藏鱗、啟潤萬品、承育蒼旻、惟聖作則、惟禹克遵、浮櫓飛帆、洞厥百川、朕承寶厯、克纂乾文、騰鸞淮

方旋鵠河濱、龍舫御瀝、鳳旛乘雲、汎汎棹舟、翱翔沂津、宴我皇遊、
光餘夷濱、肇開水利、漕典載新、千艘桓桓、萬艘斌斌、保我大義、惟

爾作神

初學
記六

祭濟文

維太和十九年、皇帝遣太常寺守散騎常侍、敢昭告于濟瀆之靈、
乾光資隴、坤載播液、惟瀆揚靈、協滄陰辟、庶象憑和、降升芳瀝、藉
神包化、比土宣績、溫芳涌瑞、沈源導濟、引流通滄、實侔四體、作潤
岱宗、含雲吐灋、潤波湛湛、川風灑灑、瞻洪津而懷德、乘長波而欽
智、汎龍儀之郁穆、璩玉軒而浮被、沈璋璧之明物、冀牲潔已歸寄、

初學
記六

賜進士出身一品銜廣東等處提刑按察使司按察使兼管驛傳事務高王毓藻校刊

全後魏文卷八

烏程嚴可均校輯

宣武帝一

帝諱恪，孝文帝第二子。太和二十一年立爲皇太子。二十三年四月卽位，改元四。景明正始永平延昌，在位十六年。謚曰宣武皇帝，廟號世宗。

詔荅王肅 太和二十三年十一月

覽奏倍口崩絕，未足已。上酬勳德，且可如奏。 魏書彭城王勰傳

聽高閭致仕詔

閭貞幹早聞儒雅素著，出內清華朝之雋老。已年及致仕，固求辭任，宜聽解宗伯，遂安車之禮，特加優授。崇老成之秩，可光祿大夫金印紫綬，使散騎常侍兼吏部尙書邢巒就家拜授。 魏書高閭傳

世宗踐阼閭

賜饒高閭詔

閭歷官六朝著勳五紀年禮致辭義光進退歸軒首路感悵兼懷
安酬簾金漢世榮貺可賜安車几杖與馬綰綵衣服布帛事從豐
厚百寮饒之猶昔羣公之祖二疏也

魏書高閭傳

裴叔業曰壽春內屬下詔

景明元年正月丁未

叔業明敏秀發英款早悟馳表送誠功高振古宜加褒授曰彰先
覺可使持節散騎常侍都督豫雍兗徐司五州諸軍事征南將軍
豫州刺史封蘭陵郡開國公食邑三千戶

魏書裴叔業傳

復授彭城王勰司徒詔

景明元年二月

五教治樞古難其選自非親賢兼切莫應斯舉王曰明德懋親任
屬保傅出居蕃陝入御衮章內外克諧民神攸屬今董率戎麾威
號宜重可復授司徒曰光望實

魏書彭城王勰傳

答元嵩謀取河南詔

景明元年

所陳嘉謀深是良計如當機形可進任將軍裁之

魏書任城王附傳

淮南平遣鄭道昭勞彭城王勰詔

景明元年八月

王威尊上輔德勳莫二孤心昧識訓保攸憑比呂壽春初開鎮壓任重故令王親董元戎遠撫淮外冒茲炎蒸衝蓋飄颻經略踰時必有虧損淹達詣覲夙夜係情兼制勝宣規威効兼著公私允稱義所欽嘉雖凱旋有期無申延屬可遣給事黃門侍郎鄭道昭就彼祗勞

魏書彭城王勰傳

東堂引見彭城王勰詔

景明元年十月

比鳳凰未一

疑

蒼黎二化故仰屈尊謨綏懷邊附而寇豎昏迷敢

闕淮楚叔父英略高明應機殄定凱旋今辰伏慰悲忤

魏書彭城王勰傳

分陳郡儲粟賑豫州詔

景明初

眞度所表甚有憂濟百姓之意宜在拯卹陳郡儲粟雖復不多亦可分贈尙書量賑已聞

魏書薛安都附傳豫州大饑薛眞度表詔云云

詔責吐谷渾伏連壽

景明初

梁州表送卿報宕昌書梁彌邕與卿並為邊附語其國則鄰藩論其位則同列而稱書為表名報為旨有司曰國有常刑殷勤請討朕慮險遠多虞輕相構惑故先宣此意善自三思

魏書吐谷渾傳

詔荅郭祚

景明初

企向成立且為本鄉所樂何為捨此世襲更求一限

周書景企傳企襲父爵丹

水伯世領本縣令時吏部尚書祚祚曰企年少未堪宰民請別選遣終此一限令企代之宣武帝詔

報任城王澄立學詔

景明初

胄子崇業自古盛典國均之訓無應久廢尚書更可量宜脩立

魏書

任城王傳

分遣大使黜陟詔

景明二年正月壬戌

朕幼承寶祚艱憂在疚庶事不親風化未洽今始覽政務義協維新思使四方風從率善可分遣大使黜陟幽明

魏書宣武紀

詔于烈

景明二年正月

諸父慢怠漸不可任今欲使卿召兵召之卿其行乎

魏書于栗

聽彭城王勰釋位歸第詔

景明二年正月庚戌

王宿尚開顏志捐世務先帝愛亮之至弗奪此情遺敕炳然許遂
沖退雅操不移朕亦未敢違奪今乃釋位歸第巨園是營高尙之
節確爾貞固貫履之操邈焉難追而王宅初構財力多闕成立之
期歲月莫就可量遣工役分給材瓦稟王所好速令制辦務從簡
素

呂稱王心

魏書彭城王勰傳

遣咸陽王禧等還府司詔

景明二年正月

恪雖寡昧忝承寶厯比纏疴疹實憑諸父苟延視息奄涉三齡父
等歸遜殷勤今便親攝百揆且還府司當別處分

魏書咸陽王禧傳

咸陽王禧北海王詳進位詔

景明二年正月

朕自寡昧夙罹閔凶憂勞在疚罔知攸濟實賴先帝聖帝遺澤所

聖宰輔忠賢劬勞王室用能撫和上下肅清內外乃式遵復子歸政告遜辭理懇至邈然難奪便當勵茲空乏親覽機務王尊惟元叔道理淵凝可進位太保領太尉司空北海王季父英明聲略茂舉可大將軍錄尚書事

魏書咸陽王禧傳

荅盧昶奏鼠咎詔

景明二年

朕纂承鴻緒伏膺寶厯思靖八方惠康四海當必世之期麟鳳不降厲勝殘之會白鼠告咎萬邦有罪實惟朕躬尚書敷納機猷獻替是寄謠言有聞朕實嘉美

魏書盧玄附傳

正調外調罷詔

景明二年三月乙未朔

比年以來連有軍旅役務既多百姓彫敝宜時矜量曰拯民瘼正調之外諸妨害損民一時調罷

魏書宣武紀

嚴勒守宰詔

景明二年三月辛亥

諸州刺史不親民事緩于督察郡縣稽遲旬月之間纔一覽決淹

獄久訟、動延時序、百姓怨嗟、方城困敝、尙書可明條制、申下四方、今日親庶事、嚴勸守宰、不得因循寬怠、臨政

魏書宣武紀

省官詔 景明二年三月壬戌

治尙簡靜、任貴應事、州府佐史、除板稍多、方成損政、無益政道、又京師百司寮局殷雜、官有閒長者、亦同此例、苟非稱要、悉從蠲省、

魏書宣武紀

報北海王詳詔 景明二年五月

一人之身、愆不累德、形乖性別、忠逆固殊、是曰父殛子興、義高唐世、弟戮兄登、迹顯周魯、禧之與國、異體同氣、既肆無君之逆、安顧弟友之親、叔父忠顯二朝、誠貫廟社、實勸贊沖昧、保乂鴻猷、豈容呂微介之慮、忘阿衡之重、紹章卽曰、敕還、願不再述、祚屬眇躬、言及斯事、臨紙慙恨、惋慨兼深、

魏書北海王詳傳、咸陽王禧之謀反也、詳表求解任、詔云云

敦諭彭城王總詔

蓋二儀分象、君臣之位形焉。上下既位、唱和之義生焉。自古統天位主、曷嘗不賴明師、仗賢輔而後變和陰陽、彝倫民物者哉。往而不返者、先民誠有之。斯所謂欲潔其身而亂大倫、山林之士耳。賢人君子則不然也。屈己以安民、艱身以濟物。所謂己先知覺後知、同塵而與天下俱潔者也。朕猥以冲年、纂臨寶祚、實賴叔父匡濟之功、誠宜永兼將相、以綱維內外。但逼奪先旨、憚違冲抱、俛志割心、以遂高素。自比水旱乖和、陰陽失序、是已屈王論道、庶變茲玉燭。且師宰從容、無廢清尚。故周旦復辟而居之、尚父期頤已終位。王義兼家國、理絕獨高。可遣侍中敦諭。魏書彭城王勰傳

參定祫禘儀注詔

景明二年六月

禮貴循古、何必改作。且先聖久遠、綿代恆典。豈朕冲闇所宜革之。且禮祭之議、國之至重。先代碩儒、論或不一。可付八座、五省、太常

國子參定、以聞。

魏書禮志二

遣賻王肅詔

景明二年七月

肅奄至不救痛惋兼懷可遣中書侍郎賈思伯兼通直散騎常侍撫慰厥孤給東園祕器朝服一襲錢三十萬帛一千匹布五百匹蠟三百斤并問其卜遷遠近專遣侍御史一人監護喪事務令優厚

魏書王肅傳

令王肅葬京陵詔

景明二年

死生動靜卑高有域勝達所居存亡崇顯故杜預之歿窆于首陽司空李冲覆舟是託顧瞻斯所誠亦二代之九原也故揚州刺史肅誠義結于二世英惠符于李杜平生本意願終京陵既有宿心宜遂先志其令葬于冲預兩墳之間使之神遊相得也

魏書王肅傳

詔報源懷

景明二年十一月

不君不臣江南常獎有粟不食其在斯矣上天將欲亡之諸蕃又願取之人事天道就云匪會但曰義害人者不爲且十月五日衍

軍已達大航其大傷小亡之勢久應有決假令天罰寶卷衍兵獲
進則衍之主佐又是亂亡遺孽皇靈其能久祐之乎今之所矜者
正呂南黔企德邊書繼至殄悴之氓理須救接若爾者揚州兵力
配積不少但可速遣任城委呂處分別加慰勉令妙盡邊算也

魏書

源賀
附傳

報裴衍請隱嵩高詔

景明二年

知欲養病中岳鍊石嵩嶺棲素雲根餌芝清壑騰迹之操深用嘉
焉但治缺古風有愧山客耳既志往難裁豈容有抑便從來請

裴叔業
附傳

埋瘞骸骨詔

景明三年二月

自比陽旱積暵農民廢殖寤言增愧在予良多申下州郡有骸骨

暴露者悉可埋瘞

魏書宣
武紀

遣迎蕭寶寅詔

景明三年閏四月

蕭寶夤深識機運，歸誠有道，冒險腹屯，投命絳闕。微子陳韓，亦曷
已過也。可遣羽林監領主事劉桃符詣彼迎接，其資生所須之物
及衣冠車馬在京邸館付尚書悉令預備。

魏書蕭寶夤傳

報高顯等請勒銘射宮詔

景明三年十月

此乃弓弧小藝，何足已示後葉，而喉唇近侍，苟已爲然，亦豈容有

異，便可如請。

魏書高顯傳世宗幸鄴還于河內懷界帝親射矢一里五十餘步侍中高顯等奏請勒銘射宮詔云云

刊銘于射所聽爲之詞

徙御舊都詔

景明三年十一月

京洛兵蕪，歲踰十紀，先皇定鼎舊都，惟新魏厯，翦埽榛荒，勦茲雲
構，鴻功茂績，規模長遠，今廟社乃建，宮極斯崇，便當已來月中旬
蠲吉徙御，仰尋遺意，感慶交衷，既禮盛周，宣斯于之制，事高漢祖
壯麗之儀，可依典故，備茲考吉，已稱遐邇人臣之望。

魏書宣武紀

詔任城王澄

景明三年十一月

將軍文德內昭武功外曜奮揚大略將蕩江吳長旌始舒賊徒懾
氣銳旅方馳東關席捲想江湖弭波在旦夕耳所送首虜並已聞
之

魏書任城王澄傳

躬勸農桑詔 景明三年十二月

民本農桑國重蠶籍桑盛所憑冕織攸寄比京邑初基耕桑暫缺
遺規往旨宜必祗脩今寢殿顯成移御維始春郊無遠拂羽有辰
便可表營千畝開設宮壇秉耒援筐躬勸億兆

魏書宣武紀

旱災察冤獄詔 景明四年四月

酷吏為禍綿古同患孝婦淫刑東海焦壤今不雨十旬意者其有
冤獄乎尚書鞠京師見囚務盡聽察之理

魏書宣武紀

詔百司 景明四年十二月

先朝制立軌式庶事惟允但歲積人移物情乖愜比或擅有增損
廢墜不行或守舊遺宜時有舛妨或職分錯亂互相推委其下百

司列其疑闕、連日奏聞、魏書宣武紀

報元英詔、景明四年

學業墜廢、爲日已久、非一使能勸、比當別敕、魏書南安王順附傳元英奏求遣使就郡

校練學生詔

詔奪元鸞祿一周、景明中

鸞親唯宗懿、作牧大州、民物殷繁、綏寧所屬、宜克已厲誠、宗清樹

惠而乃驟相徵發、專爲煩擾、編戶嗷嗷、家懷嗟怨、北州土廣、姦亂

是由、準法尋愆、應加肅黜、已鸞威屬、情有未忍、可遣使者、曰義督

責、奪祿一周、微示威罰也、魏書城陽王長壽附傳長壽次子鸞爲青州刺史轉定州刺史籍起佛寺公私

費擾順爲民患世宗聞而詔

詔依禮治趙郡王母子罪

妾之于女君、猶婦人事舅姑、君臣之禮、義無乖二、妾子之于君母、

禮加如子之恭、何得黷我風政、可付宗正依禮治罪、魏書趙郡王幹附傳幹妃

穆氏表謚母趙等皆禮節常不遜
日甚尊卑義阻母子道絕詔云云

授源懷為馮翊公詔
景明中

宿老元臣云如所訴訪之史官頗亦言此可依比授馮翊郡開國

公邑九百戶
魏書源
賀附傳

報源懷詔
景明中

省表具卹民之懷已敕有司一依所上下為永準如斯之比不便

于民損化害政者其備列已聞
魏書源
賀附傳

原裴植詔

植闔門歸款子昕愚昧為人誘諂雖刑書有常理宜矜恤可特恕

其罪已表勸誠
魏書裴叔業附傳叔業兄子植人為大鴻臚
卿後已長子昕南叛有司處之大辟詔云云

詔詰宋纘

卿故違朝法豈不欲作威已買名
魏書宋纘傳初纘為河陰令縣
有大柳號曰彌尾青肉盈揚小

駟詣縣請事命取尾青已鎮
之既免入訴于世宗詔云云

呂戾剛爲右衛大將軍詔

太和之季、蟻寇侵疆、先皇于不豫之中、命師出討、撫戎暴露、觸御
乖和、朕屬當監國、弗獲隨侍、而左右服侍、唯藉忠勤、剛于違和之
中、卒勤行飪、追遠錄誠、宜先推敘、其呂剛爲右衛大將軍、魏書恩倖戾剛傳

盧道將襲爵詔 景明末

長嫡承重、禮之大經、何得輒授也、

魏書盧玄附傳盧淵子道將襲父爵而讓其第八弟道舒有司

素聞宣武詔

徙趙脩詔

小人難育、朽棘不彫、長惡不悛、豈容撫養、散騎常侍鎮東將軍領
扈左右趙脩、昔在東朝、選充臺阜、幼所經見、長難遺之、故纂業之
初、仍引西禁、雖地微器陋、非所宜采、然識早念生、遂陞名級、自蒙
洗濯、兇昏日甚、驟佞薦橋、恩加輕慢、不識人倫之體、不悟深淺之

方陵獵王侯輕卑卿相門賓巷士拜叩不接隱氣豪心仍懷鄙塞
比聽葬父侈暴繼聞居京造宅殘虐徒旅又廣張形勢妄生矯託
與雍州人趙僧擲等陰相傳納許受玉印不軌不物日月滋甚朕
猶愍其宿隸每加禮護而擅威弄勢侏張不已法家耳目並求憲
綱雖欲捨之辟實難施然楚服既墜江君徘徊鐘牛一聲東向改
歟脩雖小人承侍在昔極辟之奏欲加未忍可鞭之一百徙敦煌
爲兵其家宅作徒卽仰停罷所親在內者悉令出禁朕昧于處物
育茲豺虎顧尋往謬有愧臣民便可時赦申沒已謝朝野魏書趙
脩傳

又詔任城王澄

正始元年二月

鍾離若食盡三月已前固有可剋如至四月淮水泛長舟行無礙
宜善量之前事捷也此實將軍經略勳有常焉如或曰水盛難圖
亦可爲萬全之計不宜昧利無成已貽後悔也魏書任城
王澄傳

兗北海王詳爲庶人詔

正始元年五月丁未朔

王位兼台輔，親懿莫二，朝野屬賴，具瞻所歸，不能勵德存道，宣融軌訓，方乃肆茲貪視，穢暴顯聞，遠負先朝友愛之寄，近乖家國推敬所期，理官執憲，實合刑典，天下爲公，豈容私抑，但朕諸父傾落，存者無幾，便極逮坐，情有未安，可免爲庶人，別營坊館，如法禁衛，限日終身，邦家不造，言尋感慨，魏書北海王詳傳

爲北海王詳舉哀詔

北海叔奄至傾背，哀慕抽慟，情不自任，明便舉哀，可敕備辦喪還南宅，諸王皇宗，悉令奔赴，給東園祕器，贈物之數，一依廣陵故事，魏書北海王詳傳

愛旱詔

正始元年六月

朕曰匪德，政刑多舛，陽旱歷旬，京甸枯瘁，在予之責，夙宵疚懷，有司可循案舊典，祇行六事，固圖冤滯，平處決之，庶尹廢職，重加脩舉，鰥寡困窮，在所存恤，役賦殷煩，咸加蠲省，賢良讜直，日禮進之，

貪殘佞諛時加屏黜男女怨曠務令媾會稱朕意焉魏書宣武紀

詔元鑒正始元年七月

知摧角城威謀展稱良目欣然此城襟帶淮瀝川路衝要自昔經算未能剋之蟻固積紀每成邊害將軍淵規潛運妙略克宣闢境剋城功著不日據要扼喉津徑勢阻可謂勳高三捷朕甚嘉焉守御諸宜善目量度矜慰之使尋當別遣魏書河南王曜附傳

令羣官集太樂署攷論音律詔正始元年七月

太樂令公孫崇更調金石變理音準其書二卷并表悉付尚書夫禮樂之事有國所重可依其請八座已下四門博士呂上此月下旬集太樂署采論同異博采古今目成一代之典也魏書樂志先是高闕引給

事中公孫崇共攷音律景明中崇乃上言樂事正始元年秋詔

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷八終

全後魏文卷八

宣武帝

十